



№25 (10015)
30 наурыз,
сенбі
2024 жыл

Жалағаш жаршысы



«zhalagash-zharshysy.kz»
ақпараттық аземіміз

Аудандық қоғамдық-саяси газет

Газет 1934 жылдың 10 қаңтарынан бастап шығады

Сауал

Агробизнес саласын дамытуды ұсынды

Аграрлық мәселелер, табиғатты пайдалану және ауылдық аумақтарды дамыту комитетінің сенаторлары 2022-2024 жылдар аралығында 50-ден аса депутаттық сауал дайындап, Үкімет басшысының атына жолдаған. Сенатор жолданған сауалдар ауылды дамыту, ауыл шаруашылығында суды тиімді пайдалану, өңірлердегі фермерлік шаруашылықтарды кеңейту, жайлы мектеп, бірыңғай ұлттық генетикалық банк құру, ауыл тұрғындарының қалаға көші-қон себептері, ауылдық жерлердегі жайылым мәселелерін көтергенін атап өтті. Алайда Жанболат Жергенбаев депутаттық сауалдарға Үкімет тарапынан келген ресми жауаптар көңіл кенішпейтінін жасырмады.



— Іс жүзінде көптеген өршіл жобалар қағаз жүзінде ғана қалып, бірде-бір мемлекеттік бағдарлама межелеген индикаторларға қол жеткізілмеген жұмыстар туралы жазылады немесе «болады», «сұралды», «жоспарланып отыр» деген стандартты жауаптармен аяқталады. Ең сорақысы, теріс нәтиже үшін ешкім жауапқа тартылмайды, өйткені іс жүзінде көп нәрсе ниет декларациясының деңгейінде қалады. Мұны нәтижелілік немесе сол жауапты жолдаған мемлекеттік қызметкердің, министрліктің немесе мемлекеттік органның жауапты азаматының кәсіби деңгейін көрсетеді деп ойлаймын, — деді сенатор.

Осы орайда депутат ауыл шаруашылығы мен агробизнеснің дамуын көздейтін көшенді бағдарлама дайындау қажеттігін назарға алуды сұрады. Ол шикізат өндірісі салаларының дамуымен қатар, өндіруші өнеркәсіптің есуін ынталандыру мақсатында республиканың экономикалық саясаты мен даму стратегиясын жедел қайта бағыттау қажет. Сонымен қатар экономиканы әртараптандыру жөнінде кәсіпкерліктің алатын орны теңірегінде тағы бір мәселе — ауыл шаруашылығы өндірісіндегі шағын және орта кәсіпкерлікті дамыту мәселесін қайта қарастыру керек.

— Шағын және орта бизнестің негізгі мәселесі — салықтан босату емес, Қазақстанда тиімді, әлеуетті сұраныстың жоқтығы. Сондықтан агробизнес ортасын жақсарту мәселесіне үлкен көңіл аудару қажеттігі туындап отыр, — деді Жанболат Жергенбаев.

Сондай-ақ депутат Үкімет басшысы Олжас Бектеновтің атына сауал жолдай отырып, осыған дейін сенаторлар ұсыныстарын тағы да еске салып, оларға назар аударуын өтінді.

Алтынай МҰРАТ,
Қорқыт ата атындағы ҚУ-дың 3 курс студенті



Жылына 25 тонна алтын заңсыз өндіріледі

Парламент Сенатының депутаты Андрей Лукин еліміздегі заңсыз алтын айналымы мәселесіне назар аударды. Палата отырысында ол 2020-2023 жылдары Қазақстанда алтынның заңсыз айналымына қатысты 7 қылмыстық іс тергеліп, оның 4-уі сотқа жіберілгені туралы статистикалық мәліметтерді келтірді. Келтірілген шығын 1,5 миллиард теңгеден асады.

Сенатордың сөзінше, соңғы 4 жылда заңсыз айналымға, бағалы металдарды өндіруге және ұрлауға қатысты 133 қылмыстық құқық бұзушылық тіркелген. Мысал ретінде депутат заңсыз өндірілген алтын өнімдерін сатып алумен айналысқан қылмыстық топ мүшелері 2023 жылдың қарашасында қамауға алынғанын айтты.

Кейін жер асты цехтарында бұл алтыннан белгілі брендтердің атын жамылып, Астана мен Шымкент сауда үйлерінде сатылған өнімдер өнімдерін сатып алудың 1 келден астам алтын мен 100-ден астам зат төркіленген.

Ол мұндай заң бұзушылықтармен күресу үшін алтын кеніштеріндегі бақылауды күшейту керек деп санайды. Болжам бойынша заңды түрде өндірілген әрбір үш тонна алтынға бір тонна заңсыз өндірілген алтын қосылып отырады. Ел бойынша бұл — жылына шамамен 25 тонна заңсыз өндірілген алтын. Депутат бұл мәселені шешудің басты шарасы нысандардағы бақылауды күшейту деп есептейді. Бұл қосымша бейнебақылау камераларын орнату, шахтаны талшықты-оптикалық арналармен жабдықтау, тексеру жүйелерін пайдалану, автоматты анықтау сенсорларын енгізу және басқа да қауіпсіздік шараларын қамтиды. Еске салайық, бұған дейін Сауда және интеграция министрлігі ел азаматтары алтын сатып алу кезінде алданып жатқанын хабарлаған.

Нұрайым МЫРҚИЕВА,
Қорқыт ата атындағы ҚУ-дың 3 курс студенті

Мезгіл мәселесі

Тасқын су толастар емес



Еліміздің су басқан кейбір ауылдары төтенше жағдайға мүлде дайын болмаған. Қауіп сәт санап күшейіп барады. Қорадағы мал суға кетіп, қазір тұрғын үйлер де су астында қалды. Елді мекендердегі қазіргі жағдай қалай? Бір ай бұрын шамадан тыс судың келері белгілі бола тұра алдын алу жұмыстары жүргізілмеген бе? Тарқатайық...

2

Егінжай — 2024



Күріштік 1300 гектарға қысқарған

Бытыр саланы оң нәтижемен қорытындылаған жалағаштықтар көктемгі дала жұмыстарын наурыздың алғашқы онкүндігінде-ақ бастап кетті. Аудандық ауыл шаруашылығы және жер қатынастары бөлімінің мәліметіне сүйенсек, биыл 36 565 гектарға ауыл шаруашылығы дақылдары егіледі. Жалпы ауданда 200-ге жуық шаруашылық егінмен айналысса, оның 150-ден астамы Сыр күрішін себеді.

Аяқ су тапшылығы жыл сайын шаруаның ширауына айтарлықтай қолбайлау болуда. Мәселе жыл сайын күрделенбесе, шешімін тапқан емес. Ал жаңадан құрылған министрлік тек «суды үнемдеу керек» дегеннен әрі аса алмай отыр. Осы ретте су тапшылығын ескере отырып, ауданда күріш дақылдың көлемі өткен жылдан 1300 гектарға қысқарып отыр. Есесіне суды аз қажет ететін дақылдарға басымдық берілген. Мәселен, өткен жылмен салыстырғанда бидай 149 гектарға, қант құмайы 20 гектарға, мақсары 10 гектарға, жоңышқа дақылдарының көлемі 625 гектарға артады.

Шаруашылықтар тарапынан көктемгі егін орналастыру жұмыстарына «ГосАгро» порталы арқылы 1 685 тонна жергілікті дизель жанармайына өтімін берілген. Қазіргі таңда 12 шаруашылық 245 тонна дизель жанармайын алып, егін орналастыру жұмыстарына кірісіп кетті. Дизель жанармайының 1 литрі 248 теңгеден жеткізілуде.

Биыл су алу маусымы кезінде су тапшылығын болдырмау үшін ауданда егістік алқаптарын сумен қамтамасыз етудің іс-шаралар жоспары әзірленген. Су тапшылығының алдын алу мақсатында инженерлік жүйедегі егістік жерлерде дақылдарды кезектестіру кестесін қатаң сақтау, ауыспалы егіс жүйесіндегі және биік жерлерге күріш дақылын орналастыруға тыйым салу, қашыртықтардағы суды қайта пайдалану үшін су айдайтын насос қондырғыларын орнатуды ұйымдастыру, ішкі шаруашылық су жолдарын механикалық тазалау және су құрылыс

нысандарын уақытылы жөндеу, егіс алқаптарында су тапшылығы орын алған жағдайда пайдаланатын насос қондырғыларын дайындау қажет. Бұл жайында шаруашылықтарға алдын ала ескертілген. Бытыр орын алған олқылықтарға көз жүгіртсек, кейбір шаруашылықтардың бұл талаптарды сақтамағанын аңғару қиын емес. Мәселен, өткен жылы ауданда 1 346 гектар күріш артық егілген. Осы ретте ауыспалы егіс тәртібін өрескел бұзған 16 шаруашылық анықталып, заңға сәйкес тиісті шаралар қабылдау үшін Қызылорда облыстық жер ресурстарын басқару департаментіне жолданған.

Биыл егінді күтіп баптауда 32 су тартқыш насос қондырғысын пайдалану жоспарланып отыр. Оның ішінде 13 насос «Қазушар» өндірістік учаскесі тарапынан шаруашылықтарға берілсе, 19 насос шаруашылықтардың өз қаржысына алынған Насос қондырғыларын қалпына келтіру жұмыстары өлі де жалғасын табады.

Себілген дөңге су толық баруы үшін жердің тегістігі маңызды рөл атқарады. Бұл бір жағынан өнімнің шығымына да айтарлықтай оң әсер етері анық. Биыл 20 мың гектар инженерлік әзірленген жерлерде лазерлік тегістеу жұмыстары атқарылған. Мамандар оның суды үнемдеуде де үлесі басым екенін айтады.

Ауданда тұрғындар тарапынан картоп, бақша дақылдарын орналастыруға жер дайындау жұмыстары біз ізге түсті. Бүгінде аймақ басшысының бұл бастамасы халықтың бақша өнімдерін

ездері егуіне қолғабыс болып отыр. Осы ретте айта кетейік, шаруашылықтар тарапынан жер аршылады, қоршалып, аяқ су жеткізіледі. Ал халық тек салған бақшасының күтіміне жауапты. Ауыл шаруашылығы және жер қатынастары бөлімі биыл да осы бағытта жұмыстары жалғасатынын айтады. Яғни 500 гектар жаңадан жер дайындалып, оның 235 гектарына картоп, 192 гектарына басқа да бақша дақылдары, 73 гектарына көкөніс орналастырылады. Қазіргі таңда 610 тұрғын картоп, көкөніс, бақша дақылдарын орналастыруға өтімін білдірген. Мұнан бөлек Мақпалкөл ауылдық округіндегі «Ер-Әлі» шаруа қожалығы 10 гектар жерге тамшылатып суару әдісімен картоп, бақша дақылдарын орналастыруды жоспарлап отыр. Бұл жұмыстарды аталған шаруашылық дәстүрге айналдырған. Оның да ел игілігін көріп отыр десе де болады. Себебі төраға Әліби Бекжанов күзде жиналған бақша өнімдерін жалағаштықтарға арзан бағада ұсынады.

Бытыр аудандағы 172 шаруашылық «Жалағашсушар» өндірістік учаскесімен 474,9 млн теңгеге су жеткізу қызметіне келісім-шартқа отырған. Бүгінде оның 427,6 млн теңгесі төленген. Шаруашылықтардың пайдаланған су жеткізу қызметіне өлі де берешек қарызы 47,3 млн теңгесі құрайды. Қазіргі таңда қалған берешек қарыздар сот арқылы өндірілуде.

Айта кетейік, бытыр ауданда 37079 гектарға ауыл шаруашылығы дақылдары орналастырылған. Бытыр да егін орналастыру, күтіп баптау жұмыстарында су тапшылығы орын алған. Егінді сумен қамтамасыз ету үшін аудан шаруашылықтары 45 сұтартқыш насос пайдаланған болатын.

Кенжетай ҚАЙРАҚБАЕВ

